

Hjemstawn

Nær det blæser af wæesten, så trajjeren bøvves
så mø så de aldrig rætner sæ mier
Nær flyvsåej å skijværk det fyger og røger
så det knåser mæl tæjjen å yvnen de svijer
Nær hoere maj lieg hår fåt sat så det dækker
så mø å det skalle som det la sæ jøer
det stoer øster øvver så maj lieg mø jet
er tradve oer æller en maj var lieg førr
Så væ a hvæen a e hæen, så e a hjæem

Nær åel dæem a møer de tjikker på mæ
som om a hår ståelt halaen million
A nær det sir uk te de også er vees på
at de er gon fra dæem hvar jænnest kroen
Nær dæem maj vil sæel te skal ha i kvitering
å dæem maj vil tjeby a skal ha pengen soet
Nær folk går i byej en hiel loerda næt
mæ bær titj kroner å kommer hjem mæ de oet
Så væ a hvæen a e hæen, så e a hjæem

Nær mågerne skriger høvt oep åjjer himlen
å havluften tår dem mæ eej øvver laej
Nær naboen tår sæ te luen å hjælser
å spær te mi røeg nær dæj hår vat vaeg
Nær de oeng de menner at såntj som det goer no
så ka-e kon gå frem-å for det kan intj blyev væer
Å de gammel ka hæv at åelting var bijjer
dæjgåeng folk var fatte å slæe sæ fordærre
Så væ a hvæen a e hæen, så e a hjæem